

Iñaki Goenaga-Zentro Teknologikoen Fundazioa

III. deialdia

Ikertzaileak nazioartean espezializatzeko eta hemen laneratzeko Programa ETORTEK

DEIALDIAREN OINARRIAK

1. PROGRAMAREN HELBURUA

Euskal Autonomia Erkidegoko Ikerketa Estrategikoaren alorretan ikertzaileen espezializazioa bultzatzea, atzerrian urte bat edo biko egonaldia eginez (atzerriko Unibertsitateekin eta Ikerketa Zentroekin elkarlanean) eta, ondoren, Euskal Autonomia Erkidegoan beste urte 1 edo 2 eginez.

2. ONURADUNAK

Programa hau, batez ere edo lehentasunez, doktore titulua dutenentzat da. Halaber, onuradun izan daitezke ikertzeko gaitasun aitortua dutenak, esperientzia duten ikertzaileak eta, salbuespenez, ikasketa-espediente bikainekin lizentziatu berri direnak.

Euskal Autonomia Erkidegoko 'Zientzia-Teknologia-Enpresa-Gizartea' Sistema bultzatu nahian, Fundazioak arreta berezia jarriko die honako hauek egindako eskaerei: ikertzaile gisa atzerrian ikasketak edo/eta egonaldiak egin berri dituztenek, eta beka horietakoren bat amaitu ondoren ikerketa-karrera profesionala Euskal Autonomia Erkidegoan egin nahi dutenek.

2.1. Onuradunen egoera juridikoa

- ***Doktore titulua duten onuradunak***

63/2006 Errege Dekretuak, urtarrilaren 27koak, Prestatzen ari den Ikertzailearen Estatutua onartzen duenak, ezartzen duena betez, doktore titulua duten onuradunek Atxikitako Zentroak kontratatuta egingo dute Espezializazio Programa.

- ***Doktore titulurik gabeko onuradunak***

Kasu honetan Programak bi espezializazio-aldi izango ditu: lehen aldia —bekarekin— atzerrian, eta gero beste aldi bat —kontratuarekin— EAEn. Bi aldi horiek urte bateko edo biko iraupena izango dute, beka bakoitzaren espezifikotasunen arabera. Nolanahi ere, guztizko iraupena ezingo da izan 4 urte baino gehiagokoa.

3. ESPEZIALIZAZIOAREN IRAUPENA

Programa hasteko epea **2007ko urriaren 22tik 2008ko apirilaren 20ra** artekoa da. Hasiera-data zehatza beka edo laguntza bakoitzaren espezifikotasunen arabera izango da.

Beka bakoitzaren iraupen zehatza dagokion Espezializazio Planean ezarriko da, baita bere Informazio Fitxan ere, eta fitxa hori eskaera egin baino lehen kontsultatu ahal izango dute hautagaiek Fundazioaren web gunean: (www.fundacioncentrostecnologicos.org)

Fundazioak beka bakoitzaren garapena eta dagokion proiektuaren martxa ebaluatuko du, aurrera jarraitu ala ez aztertzeko.

4. ZEIN ERAKUNDETAN GARATUKO DEN PROGRAMA

- Erakunde Sustatzailea

Iñaki Goenaga-Zentro Teknologikoen Fundazioak deituriko beka eta laguntza hauetako bakoitza Ikerketa Zentro Kooperatibo (CIC) batek sustatuko du. Programa Estrategikoen kasuan, oraindik CIC bezala ez badaude eratuta, erakunde sustatzailea Programa bera izango da.

- Atzerriko Zentro hartzailea

Bekaren lehenengo aldia (urte bateko edo biko egonaldia atzerrian) Unibertsitate, Ikerketa Zentro edo Erakunde batean igaroko da programa honek lortu nahi duen goi mailako espezializaziorako bekaren Sustatzaileari eta Fundazioari egokia iruditzen zaien batean.

- Atxikitako Zentroa

Gero EAEn urte bateko edo biko kontratuaz egingo den aldia Atxikitako Zentroan egingo da, eta honelako bat izan daiteke:

- (a) Ikerketa Zentro Kooperatibo (CIC) bat, Zientzia, Teknologia eta Berrikuntzako Euskal Sarean eratua eta erregistratua baldin badago;
- (b) CIC horietan elkartutako erakundeetako edozeinetan;
- (c) Zientzia, Teknologia eta Berrikuntzako Euskal Sarearen erakundeetako edozeinetan, eta Ikerketa Estrategikoko Programetan sartutako enpresetan.

5. EGITURA ETA DIRU-KOPURUA

Beka hau hartzea bateraezina da beste beka bat, lansariak edo norberaren edo besteren kontura zerbitzu-emateagatik ordaina jasotzearekin.

Iñaki Goenaga-Zentro Teknologikoen Fundazioak Bidaia, Mediku eta Aberriratzeko Multiasistentziako aseguruua egingo du beka dutenentzat. Aseguru hau ez zaie aplikatuko kontratuarekin daudenei.

- **Doktore titulua duten onuradunak**

Onuraduna Atxikitako Zentroak kontratatuko du. Kontratu horrek beka bakoitzean ezarritako iraupen berdina izango du, eta gutxienez 25.000 €-ko ordainsari gordina izango du urtean.

Espezializazio Planean finkatuko den atzerriko denboraldian, onuraduna atzerriko zentro batera joango da, Atxikitako Zentroan aplikatzen den ordainsari berbera izango duelarik.

Aurrekoa gorabehera, eta atzerriko egonaldiak iraun bitartean, onuradunak ondorengo kopuruak jasoko ditu gastuetarako (berak gastuak garbitu edo justifikatu ondoren) (1):

- Gehienez 5.000 € gordin urtean, **Lekualdatzeko Osagarri gisa**
- Gehienez 2.500 € **bidaiia-gastuetarako**.
- Gehienez 5.000 € **ikasketa-gastuetarako**.

Atzerriko egonaldi hori bukatuta, onuradunak Atxikitako Zentrorra itzuli behar du eta, bukatu arte geratzen zaizkion urteetan, Zentro horretan aplikatzen den ordainsaria hartuko du.

- **Doktore titulurik gabeko onuradunak**

A) Beka-egoerako aldia:

Espezializazio Planean finkatuko den atzerriko denboraldian, urtean 25.000 €-ko diru-kopuru gordina hartuko du honela banatuta: hilean 2.083,33 €-ko kopuru gordina.

Gainera, denboraldi horretan eta bekadunak gastuak garbitu edo justifikatu ondoren, honako kopuru hauek hartuko ditu gastuetarako (1):

- Gehienez 2.500 € bidaietarako.
- Gehienez 5.000 € ikasketa-gastuetarako.
- Gehienez 5.000 € beste gastu batzuetarako.

(1) Gastuetan sartuko diren kontzeptuak Atxikitako Zentrok finkatuko ditu.

B) Kontratu-egoerako aldia:

Hasierako aldi hori igaro ondoren eta Atxikitako Zentrora itzulita, bekadunak eta Zentroak lan-kontratua izenpetuko dute, eta onuradunak zentro horretan aplikatzen den lansaria hartuko du, gutxienez 25.000 € gordin urtean.

Kontratu horrek bi urteko iraupena izango du gehienez, beka bakoitzaren espezifikotasunen arabera.

Salbuespen gisa, aldi horretan eta onuradunak gastuak garbitu ondoren, gehienez 12.500 € jaso ahal izango ditu bekari atxikitako Gastuen ordain gisa.

C) Beka-egoerak irauten duen bitartean bekadunak doktore titulua lortzen bada, bere egoera doktoreenaren pareko bihurtuko da, lehen azaldutakoaren arabera.

6. IKERKETA ESTRATEGIKOKO ALORRAK

Deialdi honetan sartutako beka Ikerketa Estrategikoko Programen parte diren Alorretan — Zientzia, Teknologia eta Berrikuntzarako Politikaren barruan zehaztuetan— garatuko dira.

7. GOZAMEN-BALDINTZAK

Programa gauzatuko den erakundean sartzen den unetik hasiko da bekaduna beka gozaten. Bekadunak konpromisoa hartu behar du ezarritako programa betetzeko eta zentroko arauak une oro betetzeko; gainera, bekari ahalik eta etekinik handiena ateratzeko jarrera egokia eta interesa agertu behar ditu bekadunak.

Beka betetzen ez bada, Fundazioak eskubidea du emandako diru-kopuruak itzul dakizkion eskatzeko.

Beka emateak ez du esan nahi inolako lan-harremanik ezartzen denik bekadunaren eta Iñaki Goenaga-Zentro Teknologikoen Fundazioaren edo bekadunak dihardueneko erakundearen artean. Halaber, erakunde horrek ez du inolako konpromisorik etorkizunean bekaduna langile gisa hartzeko.

Hori guztia deialdi honetan finkaturiko kontratazio-kasuak alde batera utzita.

Onuradunak beka-zuzendaria izango du, beka sustatzen duen Erakundeak izendatua, eta berak zuzenduko du bekadunaren trebakuntza; horretaz aparte, Fundazioak bekadunaren jardueraren gainean kontrol orokorra izango du une oro.

Aldian-aldean, Fundazioak bekaren garapenari buruzko txostenak eskatu ahal izango dizkio bekadunari edo bekadunak dihardueneko erakundeari. Txostena aurkezten ez bada edo

Fundazioak txostenari buruzko ebaluazio negatiboa egiten badu, beka berehala eten ahal izango da. Fundazioak arrazoitu edo motibatu egin behar du erabaki hori.

Fundazioak beka edo laguntza eteteko beste arrazoi hauek ere azter ditzake:

- Bekari onurarik ez ateratzea nabarmen.
- Onuradunaren esku jarritako tresneria eta materialak modu desegokian erabiltzea.
- Bekadunak dihardueneko Zentroaren barne-araudia ez betetzea.
- Beka bakoitzerako izenpetutako akordioetan ezarritako isilpekotasun maila ez betetzea.
- Diziplinarioki tipifikaturiko egintzak egitea kontratazio-aldian.

Bekadunak zein beka sustatzen duen erakundeak **aldi bateko etenaldia** eska diezaiokete Fundazioari **bekaren trebatze-helburuak ezin badira lortu**. Eskaera hori arrazoi objektiboetan oinarritu behar da eta Fundazioak balioetsiko du.

Bekadunek **eskubide eta betebeharrak** hauek izango dituzte:

- Deialdi honetako oinarrietan ezarritako diru-kopurua jasoko dute beka garatzeko.
- Lehen aipaturiko kasuetan, Bidaia, Medikua eta Aberriratzeko Multiasistentziako aseguruaren onuradun izango dira.
- Bekari dagokionaz gain, prestakuntza gehigarria jaso ahal izango dute, diharduten Zentroko arauen arabera.
- Fundazioko Idazkaritza Teknikoa bekadunei laguntzeko prest izango da, une oro.
- Dagokien Zentroaren barne-araudia bete behar dute bekadunek.
- Sustatzaileak beka bakoitzean izenpetutako isilpekotasun-akordioak errespetatu behar dituzte.
- Beka amaitutakoan, zer lan-egoeratan dauden azaldu behar diote bekadunek Fundazioari.
- Dagozkien lan-eskubideak, lan-kontratua formalizatzerara iritsiz gero.

Ikerketa dela-eta egindako argitalpen orotan, Iñaki Goenaga-Zentro Teknologikoen Fundazioa eta beka sustatzen duen erakundea aipatu behar dira. Argitalpenaren kopia bat Fundazioari bidali behar zaio, eta beste bat erakunde sustatzaileari.

8. BEKEN ESKAERA ETA HAUTAKETA-PROZESUA

• Bekak eskatzeko baldintzak

Beka jasotzeko, beharrezkoa da doktore titulua, ikertzeko gaitasuna aitortua izatea, esperientzia duen ikertzaile izatea edo ikasketa-espeditate bikainarekin lizentziatu berri izatea, eta ikasketen bukaerako proiektua amaituta izatea (titulazioak hori eskatzen badu).

• Eskaerak aurkeztea:

Eskaerak aurkeztea **2007ko ekainaren 18tik uztailaren 27ra egin behar da, eta bigarren deialdian irailaren 3tik urriaren 15era. (behin-behinean)**

Fundazioaren web guneko Eskabide Orriaren bidez (www.fundacioncentrostecnologicos.org) egin behar dira eskaerak. Web gunean bertan dago Orri edo inprimaki hori egoki betetzeko behar den informazio guztia.

- **Hautaketa-prozesua:**

Hautaketa-prozesuaren lehenengo fasea Fundazioaren ardurapean egongo da, eta Fundazioaren web gunean egindako eskabide-orrian emandako informazioaren arabera bakarrik egingo da. Ondoren, agiri bidez frogatu behar da emandako informazio guztia egiazkoa dela.

Horren ostean —nahitaezko betebeharra da— beka eskatu dutenei aurrez aurre elkarrizketa egingo diete bekak sustatzen dituzten erakundeek.

Bekaren bat hutsik geratzen bada edo deialdietan aldaketarik gertatzen bada, Fundazioak du eskubidea egoki iruditzen zaizkion erabakiak hartzeko, betiere deialdi honen atzean dagoen espirituaren arabera.

Beka eskatze hutsak oinarri hauek onartzen direla esan nahi du. Iñaki Goenaga-Zentro Teknologikoen Fundazioa arduratuko da prozesuan zehar izan daitezkeen gorabeherak konpontzeaz.

Fundazioak eskubidea izango du bidezko iruditzen zaizkion aldaketak egiteko "Ikertzaileak nazioartean espezializatzeko eta EAEn laneratzeko ETORTEK beka eta laguntzak" III. Deialdiaren oinarri hauetan.